



156
5
1

三王外紀



Faint, illegible text, possibly bleed-through from the reverse side of the page.



中嶋規子様
御覽
御座
候
事

中山嵯峨院。小中村清原公死也。

陽春記
中山清原公

陽春記

印

印

東武野史訊洋子著

莊王
嵯峨公府也

莊王立三十年無子二弟其一為峽公綱重其二為
館林公綱吉峽公先薨延寶八年夏莊王有疾弗
豫丞相廐梁戾忠清與列相參政議為王立嗣廐
梁戾欲請山城天皇支屬有栖幸仁立以為嗣昔
者鎌倉王實朝遭害無後執改平義時請山城天
皇丞相藤道家之子賴經立以為嗣而已專政廐梁
戾蓋倣之也時列相參政莫敢可否者唯獨列相安
中戾正後執不可而欲迎立館林公曰與廐梁戾爭

憲王外紀

刀水書屋

陽春廬記

東武野史

洋子著

東武野史訊洋子著

莊王立三十年無子二弟其一為峽公綱重其二為

館林公綱吉峽公先薨延寶八年夏莊王有疾弗

豫丞相廐梁侯忠清與列相參政議為王立嗣廐

梁侯欲請山城天皇支屬有栖幸仁立以為嗣昔

者鎌倉王實朝遭害無後執改平義時請山城天

皇丞相藤道家之子賴經立以為嗣而已專改廐梁

侯蓋倣之也時列相參政莫敢可否者唯獨列相安

中侯正後執不可而欲迎立館林公曰與廐梁侯爭

此莊王
峽公甲所也

侯

憲王時字憲心也
猷王大臣也

於是他列相參改皆助安中公而共成其謀焉五月
甲午 莊王疾病乃詔徵館林公立為太弟丙申
莊王殂太弟立是為 憲王或曰 莊王實以四月
中殂以無嗣故秘喪大臣議立太弟然後發喪云
憲王之母平安牙婆也初名辰後更名五初 猷王
時有乳母齋藤春日者辰自平安為春日房婢頗來
有容色時 從其主侍 猷王猷王見而悅之曰幸
之有身乃從之別宮辰於是自慙卑賤私請 山城
天皇大臣二條氏家臣北小路俊孝之子本莊宗利
為假父曰冒其姓為本莊氏本莊氏既妊私使僧道

巫祝更卜之且因祈讓焉有僧尊融卜之曰所生男
也不啻君一國卒必登大位本莊氏大喜竊冀其言
之效焉以正保三年正月丙辰生 憲王憲王童稚
莊王時封館林公及 莊王殂入繼大位 憲王
即位尊母本莊氏為太后其宮號桂昌院尊融尚無
恙太后以曩者尊融所言告 王且曰是神僧也不
可以報不其勞也 王亦以為然至元祿間為建寺
於城北大冢里而實之號曰護國寺安太后所奉觀
音像焉 王与太后更詣而上香多置田園開市廛
憲王既立明年春廡梁侯忠清免相禁朝請忠清

憂憤不食而死安中侯正後代廐梁為丞相從封侯
古河原秩四万石累增秩至十三万石後頗驕恣奉
職無狀貞享元年八月壬戌參政稻葉通秀殺之於
朝在朝士大夫共殺通秀

公

王初為館林侯娶于山城天皇大臣鷹司氏藤姬
名房輔之女也及王即位尊藤夫大為后無子有
妾小屋氏名傳其父王朝賤卒也與人博而爭賭
所與博小山田弥一殺之而傳先為館林邸宮婢
公召而幸之生一男小名德松生二歲公立為其王
立德松為太子更名緝熙立小屋氏為夫人又生一

名下恐服字

公世

女名鶴子天和三年五月己巳太子薨凡生五歲大
鶴子後降嫁紀世子子綱教其族父也無子先世子
薨小屋夫人所生皆不幸早世而王寵之滋甚幾
並后女寵之盛自此始也

初王少之時太后語之曰昔我事猷王猷王言
曰余欲治國家夙夜勞心焉余無怍也所恨者無學
自余有子孫將必令讀書也君盍思諸以故王少
好學及登大位益勤焉

初越前侯光通無嫡子有庶子名直堅有故匿之定
不立以弟松岡侯昌勝之子為儲嗣見諸莊王莊

南松山豫州也

賢按世
子士恐
脫一字

王賜名緇昌直堅望之及 憲王即位直堅出奔東
都越前疾病之因失心自殺 憲王詔瘞緇昌更立
光通之弟為後賜名吉品因削其地之半越後侯光
長不能制馭臣下天和大夫小栗正矩陰謀不軌
發覺詔召越後侯及大夫正矩等於東都 王親聽
其獄 決賜正矩死幽越後侯於南松山侯國世子
緇國於福山侯國越後國除光長之從弟姬路侯直
矩坐聞越後國亂而不能治減其秩半徙邑於豐後
州日出 王朝士大夫及越後國人連累獲罪者多
於是諸侯咸畏 憲王之威斷不寒而慄仙臺侯緇

斜橋前造橋也

廠堂
作廠

君陵今東原也
延公居張也

村嘗語人曰予昔朝見 莊王必見其面於 今王
則不敢視其面每朝見不覺吾面俯也其見畏憚如
此都下斜橋門外有佛寺號知足院住持釋隆光自
憲王在藩時為其祈讓 王登極以為隆光有力焉
遂寵之元祿初詔遷院於神門外規地方一里堂宇
寬敞奢麗罕比更號護持院內賜扁額 王數移杖
焉後以隆光為大僧正令城郭諸門隆光出入監門
吏卒拜誓首如參政以上出入寶永中隆光告老
王命有司造院於駿臺里使隆光老焉賜號成滿院
初博士林道春私建書院於忍陵號弘文館泥敬公

捐數百金助其費安仲尼及十哲像春秋祭之 憲
王即位尊崇儒學元祿四年建孔廟於城北湯島里
林氏所奉祀仲尼及十哲像焉曰號弘文館殿名遷
大成內賜扁額以道春孫信篤為國子祭酒肆朝散
大夫明年二月上丁始釋菜焉 王親臨之置祭田
且命既廩以為生徒之食於是士大夫彬彬知向學
實國初以來所未有也

元祿中 王親說周易於朝每月數次諸侯百官群
士大夫苟得謁見者咸列侍聽之五歲乃畢

王好儒學徵布衣文學之士於是起家奉朝請者二
十餘輩大都林氏門人也 王又令近習之士讀書
燕居必使其說經若講經義於前或躬親教授以為
樂於是搢紳大夫皆競學問外諸侯皆辟儒士諸大
夫苟有田祿者皆爭延師而學焉儒教之盛實前代
所未有也

王自喪太子而後後宮無復產子乃万方求嗣僧隆
光進言曰人之之嗣者皆其前生多殺生之報也故
求嗣之方莫善於愛生物弗殺殿下誠欲求嗣盍禁
殺生且殿下以丙戌生成屬狗最宜愛狗 王然之
太后亦聽隆光為 王言之 王曰敬諾乃立殺生

之禁下愛狗之令於都鄙獵師漁人之外不得捕鳥獸魚鼈自鷄鶩外人家不得籠養百鳥雖獠狗狂犬尚不得杖之而况殺之乎自中貴人以下凡近侍之士不得食鳥獸之肉雖魚鼈其生則亦不得食之昆蟲之微必愛之雖蛇虺之害人及蟲蠱蟻蝨之細亦不得殺之於是犯殺生之禁而死者有傷狗而死者有殺狗而死梟首者人家有病狗則鄰伍相告會集而視之延醫治之於是乎都下有業犬鑿而富者有狗生子則往告官而鄰里更守之有狗卧當路則行人避之凡坐殺生與不愛狗被刑者歲不止數人

且刑不止其身逮亦十數民之疾苦不可勝言也及後王患都下狗衆而殺傷不止乃詔有司於都西三十里中野之地造狗廬方一里盡徙都下狗焉置狗監一人吏二人狗奴數十人令都下之民給之食每狗一頭如一人半日之食狗凡千數頭其損米可知也於是群狗相鬪或傷或死奴救之亦有傷者日夜吠聲聞于數里王又愛馬禁燒馬頸毛及棄死馬於野犯者罪死王好拂林狗命侍中盤菜侯忠德小城侯元武畜諸邸中二侯競求貴價者皆畜百餘頭有一頭直數十

金者置監吏養之以精米飯及鮮魚。王時遣使徵狗二侯則命有司檻輦載狗以授使者。吏卒護送行人為之辟。

王性忌克喜怒不常。左右近習多忤旨獲罪。或被斥逐或幽死甚者。王親刃殺之。侍中牧野成貞憂之。以為人主不冝間居。乃勸。王召儒講經。召僧講法。召猿樂人作戲。於是無論林信篤等諸博士日侍講筵。都下諸名僧更進見。及猿樂人數輩日夕奏技。並為消日之具。

王好猿樂。不徒觀聽。亦親為之。猿樂人自卑賤起為中郎者百餘人。有拜朝散大夫者。國初以來所未有也。

王好奢華。好施予。日賜群下不貲。久之內府且匱乏。有司憂之。列相或諫之。王曰。余王海內。他無所樂。唯賜群臣是吾樂也。卿等無復言之。其至性乃尔。初牧野成貞為館林相。秩三千石。及王承大統。成貞從入。遂侍中。王寵之。封閔宿侯。累增秩至七萬三千石。權傾列相。王數過其邸。賜及家人。成貞之妻卑賤之女。少侍太后。以太后之命。適成貞氏。及成貞封閔宿侯。妻為夫人。無子。有一女。乃乞。故館林相。

黑田直相之子以為嗣名曰成住以女妻之。王之過其邸也見成住之妻而悅之曰戲之成住聞之甚甚遂自殺妻亦病之曰得羸疾而死關宿侯亦心非王所為乃与夫人議不復乞養人子。王与太后更言之對曰臣前乞養人子無祿不得其死臣女亦不幸病死是天絕臣後也雖有王命臣豈可逆天重求為後者哉敢辭太后見關宿侯夫人亦數言之對如關宿侯關宿侯夫人之兄子先為僧隆光弟子在護持院未髻頭髮於是太后奪之以予關宿侯。王從而命之關宿侯辭不獲命遂受以為嗣名曰成春。

柳沢保明

東白田三州也

當此時也

王甚寵柳澤保明關宿侯知其將迫已

稱病告老自號大夢居士成春繼立徙封東吉田因

增秩為八万石成貞既老在城東別業王亦過焉

待其病間遣使者召之燕見優禮待之後以為常同時

前列相小田原侯忠明亦老自號木入居士与大

夢同召見侍燕優禮亦如之

北見重改以騎郎給事中王悅之累增秩至二万

石賜爵列侯侍中位亞救野成貞居三歲坐事獲罪

幽于采名侯國瘦死于幽所無後

飛驒侯賴時侍中忤旨徙封上山惡地也飛驒國除

牧

為州

色侯加質侯
穆子侯加質
侯也

王好男色自外諸侯以下至朝士大夫及吏卒家人
子弟苟有姿色者皆入侍中如顰子侯利重肥後子
侯有孝備前子侯輝錄南部子侯直改莊內侯忠貞
宮津侯昌章長岡侯忠辰松本侯忠周膳所侯康命
田中侯資直津和侯茲親飛驒侯賴時磐築侯忠德
壬生侯輝貞懸川侯直朝飯田侯親常刈谷侯重富
生實侯重令柳生侯後方皆以色其無色而侍中者
如肥前子侯元武桑那侯定重篠山侯信庸數人而
已柳澤保明黑田直重皆自少府即以色幸卒爵列

侯保明封河越後徒峽直重封下館他以色愛幸得
祿位者不可勝計外諸侯多倣之者皆比頑童中津
侯長胤以所愛秋元孺子為大夫以亂國改大夫飼
子犬氏去之他國王詔幽長胤於其宗國小倉立長
胤弟長圓因削其地之半

王好祈禳禱祠僧道巫祝應徵進其方者甚多造佛
寺修神祠遠近不絕

王好修造數興土木令諸侯供工役動輒費數萬金
王好猿樂諸侯以下倣之洋其聲盈溢于城市家
學人子弟競樂習以求仕進雖士不耻與猿樂人比况

其下乎諸侯唯備前侯細政土佐侯豐昌中郎侯昌胤一闡侯建顯八戶侯直改好雅樂

王在藩時辟其舅本莊宗資命為騎士秩八百石及王即位增秩至五万石封為笠間侯侍中後復益累二万石太后假父宗利有子名道芳賜爵列侯秩万石宗資之長子宗俊有二子長曰宗信少曰宗春宗春亦賜爵列侯秩二万石封為丹生侯外戚之盛國初以來所未有也老成人曰昔者莊王之母賤人之子也其父先犯禁刑死莊王即位賜其舅增山正利爵列侯外戚万三千石封為下館侯外戚之

秩二

寵自此始憲王之寵母家可謂倣尤矣漢元帝封王氏五侯君子過之我日本外戚一姓三侯可不謂過乎其後丹生侯薨無嗣以宗俊之少子宗長為後少夫無後國除

柳澤保明自王在藩時近侍左右及王即位為少府郎王甚愛幸之累增秩遂封為列侯侍中位亞關宿侯成貞權傾列相王數過臨其邸賜及家人元祿七年封河越秩六万石王又愛壬生侯輝貞累增秩徙封高崎王又數過其邸賜及家人王令河越侯以其妻親屬女妻輝貞後數歲關宿侯

成貞告老河越侯保明在中專權如丞相高崎侯輝
貞副之河越侯好內妻折井氏無子姬妾十餘人更
生子女五男長曰安暉次經隆次時睦次保教少保
經初王過河越侯卽河越侯見其美人焉王悅
安暉之母頗狎之旣而生安暉河越侯微言其子不
似已以誣王王亦未甚拒之以爲儻有之自是視
安暉如子河越侯則不敢子視之及其長也不爲置
師傅王數召見而賜飲食及賜金帛噐玩動直千
金在朝士大夫畏而事之猶王子自宗室諸侯以下
至夷民問遺日至安暉性慙加以恃王寵驕恣人

或說河越侯使爲擇師傅河越侯曰子言誠善然安
暉非吾所能教訓也人聞之愈益疑安暉非河越侯
子云

王以丙戌生關宿侯成貞以甲戌生河越侯保明以
戊戌生世謂之三頭狗

王好鬼神最畏神祖于時皇子釋公辯以寬永寺
住持典祠日光山陵寢王尊敬皇子尤甚數延請
之爲張宴樂問以金帛珍寶百爾玩噐每輒百數賜
及從者王曰煩皇子善爲寡人祭使神祖饗其
每有事於陵寢王在東都不能自安以待有司之

報書至曰禮成無故則喜鮮憂如聞有風雨若他故不克成禮則懼

王所徵使近侍者自儒士猿樂之外平安北村李人吟以為和歌徵住吉廣純以善畫並給事中又徵徵伶工四人狛高規吹笙秦兼種吹篳篥秦兼竹吹笛狛近方吹笛並給事中

釋覺彥以持律聞王召見而奇之賜之地於湯島里令建寺焉號靈雲寺且賜田祿後數召見而問法焉

王悅增上寺住持釋了也數召見而事之又數過臨

是

其房賜及其徒詔以了也為大僧正從住持增上寺者皆為大僧正王又悅金地院住持釋崇寬數召見數過其房賜及其徒及沒謚佛慈普濟禪師

養

釋英岳前住和州長谷寺既老而來東都王召見而悅之卷以廩米賜之地於湯島里令造菴焉賜號進休菴英岳日入侍王問王亦過臨其菴

釋寂仙前住平安黑谷金戒光明寺既老而來東都寓於幡隨意院王聞其多學也召見而悅之數有問焉欲使其住增上寺而未果會王殂寂仙亦尋沒

王不好田獵而好宴游其行所過僧院則寬永寺增上寺護持院金地院淺草寺護國寺進休菴臣下之家則閑宿侯成貞河越侯保明高崎侯輝貞笠間侯宗資之茅凡此皆歲教過他過泥侯紀侯滄侯鵜侯郎各一次過列相小田原侯忠朝忍侯正武佐倉侯忠昌土浦侯政直侍中上田侯忠德郎各再次王不好飲酒凡所過臨就位先為陪從及主家親說經一番次命主人說次令主家子弟及儒臣說皆有賞賜說經畢王戲舞一番次令主人舞次令主家子弟舞或令陪從者各奏其技賜養食篋衣物金帛器玩

大率直數千金家人子弟共受恩澤主家享獻亦直數百千金盡歡而罷或歸用火

王好年少近習率以色進郎中數十人其所親幸者二十餘人寄在河越侯邸其舍如侯家人或有妻或未室平日自下直至上直起居飲食學習作事皆有法制不得有變河越侯令近臣四人更監察之郎中家相具注記而待夕因四人者上之河越侯郎中有初瘠而後肥者河越侯命有司謂其人減餐其不得自恣如此凡郎中不問宮城內外行不得顧視在道不得與人言雖諸父昆弟不得數相見及通書問以

耕

列侯為郎中者前後二三十人於中屬河越侯者三人曰安中侯政森結城侯勝長西臺侯忠統以皇人子為郎中者三人曰長澤資親前田賢長前田玄長皆在河越侯邸其餘朝士大夫及陪臣處士之子苟有姿貌者不问種族輒召入云

古先天白王陵墓散在遠近諸處歷年之久毀壞者十九樵蘇憩焉牛馬牧焉曾不知其為可畏或至於失其處而莫識者君子痛焉人或以告王王甚憫之元祿中命有司修之增封其冢正其兆域藩之屏之耕牧者不得侵之其莫識其處者博士考諸史傳有

遣使奉幣
享其禮
甚大自
自皇家高
大祭廢三
百

域

司訪諸父老必取其有支證者然後因其故丘修築之歲餘畢功

加茂廟者平安大祀也每歲四月兩次祭之 天皇百餘年矣 王命復之博士祝士考其禮元祿十七年始行事平安之西有佛寺號大通寺祀六孫王源經基祀廢久矣元祿中住持僧南谷來東都因河越侯保明上書奏聞 王乃命有司新其廟廣其區域置之祭田九月十日祭以盛禮 王之興廢此二事其最大者

故事 王即位必謁日光山陵寢 憲王立教歲及

好字下
疑曉賜
字

元祿中詔列相議日光之行先是王奢侈且好與府藏殆空用度不足浪華駿府二城皆有神祖所藏金數鉅萬後先翰諸內府王畢用之以濟其欲於是王府遂空列相奏言 殿下日光之行法當用十萬金而今府藏空竭每以供費未可以有行也王泣曰吾有海內而不得有數日之行焉用王為因減飲食弗樂列相及侍中諸大臣皆病之時忍侯正武為計相召大農度支官長以下而問足用之術焉大農荻原直秀對曰海內見行世幣既有其數不可遽殖莫如和劑他物以為色幣每取益於原材而其

奏

數倍故為之便矣忍侯曰善遂奏請造色幣報可於是下局務造色幣慶長中所造金銀二幣皆純金至是和金以銀銅和銀以銅錫皆半原金大板小板方金形及重皆如故錠銀碎銀形皆如故並款文曰元故俗謂之元金別造小方金形如故方金而重半之款文曰二朱十年始行新幣直皆如故日本造惡幣此其始云既又鑄銅錢和銅以鉛錫及搗敗陶器為末以糝之文依 猷王寬永中所鑄錢曰寬永通寶而形小焉重六分強與寬永錢並行列相或言錢薄小且惡直秀曰幣者 國家所造雖以瓦礫代之而

且可行今所鑄銅錢雖惡薄尚勝於紙鈔可遂行之
在朝莫敢難之自有銅錢以來未有若是之惡者云
於是 王府復充實列相省覽相慶曰自 先朝未
聞 王府多金如此因增直秀秩以賞其功直秀者
初為計吏歲俸米百五十苞教為 王家興利以功
累遷為總計官拜朝散大夫賜田祿累增秩至三千
五百石

初 猷王用僧天海之言建寬永寺於忍陵以擬平
安比叡山故號曰東叡山先建法華常行二堂欲建
根本中堂及文殊樓而未果 猷王歿 莊王幼冲

且多病未及繼先志而歿 憲王立有志於奉先元
祿十年遂詔有司修造寬永寺命薩戾網貴助工役
新建根本中堂及文殊樓宏麗無比越明年成 山
城天皇遣使賀之且內賜扁額八月 皇使先来九
月甲戌落之 王与 皇使臨焉萬舞九奏如室町
王道茂落相國寺塔儀明日諸侯群卿大夫士咸朝
而賀之丁丑 天皇所賜之額乃至未到寬永寺都
下姬門外街上失火時南風烈火及寬永寺
園寢親王釋公辨房並罹災中堂及文殊樓幸而免
是災也火起於巳時止於翌日雞鳴凡延燒方二十

里時人謂之中堂之火有識曰昔室町王道義造相
國寺於平安建塔焉既成而落以盛禮上皇親臨
天皇遣使賀之每何相國寺火時人以為天災今中
堂之火豈亦其類邪於是王詔右司再造莊王
園寢命藝炭綱長助工役

元祿九年因國用不足初稅酒家由是酌酒增原價
之半酒家皆私釀以占其利十二年八月辛亥夜大
風拔木斃屋冬關東饑太倉米每七斗直小板一金
自是連年穀不熟米價弥貴十三年太倉米每六斗
直小板一金王乃下詔令酒家減釀本用米不得

過五分之一於是酒價弥貴而私釀弥多有司遣吏
行都鄙酒家皆匿私釀且賂吏以求免誅吏有致富
者酒家亦多利云

十四年冬關東饑途有餓莩王詔右司造廬舍於
御廐渡東三里靈山寺側為粥以食餓者人一合米
至明年春而止民亦能不餓

元祿十六年十一月乙丑雞鳴地震東都方三百里
王城樓臺諸門壞者十六七諸侯以下邸第垣屋無
有完者國初以來地震未有若是之甚者云是日
王詔列相右司修城命大小諸侯助工役凡三十餘

兩

諸侯奔命。是月辛未，滬邸失火，延燒方二十里。兩國橋焚，避火者不得過，墮水而死者七八百人。初地震，大動三，復存動，日夜凡六七十動，經久不止。家人老羸，有暴露於外者。至明年春，一日猶十餘動，半歲乃止。小田原城因地震壞，城下民家火，城焚。海溢，房州破千餘家，死者數千人。先是新幣行而王府充，王乃詔列相議日光之行，至是復寢，後遂不果行。明年改元寶永，因地動之災，國用不足，於是廢元祿銀幣，更造惡幣。室永中凡三改之，每改益加以他物。歛文曰：寶有二室、三室、四室，至四寶原銀存者四之

黠

一往者元祿新幣，特色薄，無光耳。至是其色黑黠如鉛，且生赤鏽。公家雖行之以故，直而民間則以五之一行之。

元祿以來，諸侯漸貧，國用不足，仰給高賈者，不啻小侯。於是私造銀鈔，以足國用者十六七。王亦不問。寶永四年十月壬午，地震駿州以西，攝州以東，遠州海溢，壞新井、白菅二驛，居民皆上丘陵而免。是月辛丑，日映富士山，發火相武二州，而沙土及灰方三百里，數日而止。沙土積深者平地數尺，田皆為所埋。王詔右司令郡國，每秩百石出金二兩，以賑相武二

州窮民且大興役以為二州除灰沙其深厚不可除者移其民於他處凡其田永荒為不毛之地者若干萬頃先火之祭也。有聲如雷，少焉天陰晦冥如黃昏而黑灰如霾人未知其所以也。行道者或張傘或戴笠，婦女恐怖掩耳閉目。居一二日乃稍聞知其所以。由云寶數百年來所無之災也。

荻原直秀請鑄大錢，徑一寸二分，重當寬永二錢二分。文曰寶永通寶，背郭有四圓凹，內款永久世用四字。一錢直寬永十錢，室永五年錢成，民甚不便。商賈不取。王詔有司不便大錢者，抵罪。商賈不取者，人

宮

營

得告官三令五申，民愈益不便，人亦莫敢告官。錢益不行以終。王世文王立而大錢遂廢。

五年三月乙酉，平安火。天皇宮、太上皇宮、皇太子宮皆災。王詔列相河越、侯喬朝、營築三宮，命福山侯忠雅加納、侯光永、圓龜、侯高或津和、侯茲親備前子侯政倚助工役。

淺草川舊有二橋，各長數十丈。一曰仙壽橋，在仙壽驛。二曰兩國橋，言跨武總二州也。元祿中，王詔於兩國橋下流更造二橋。一曰新大橋，在兩國橋南里餘。二曰永代橋，在新大橋南里餘。港口橋之東南曰

永代洲故名也。舊以舟渡行人，二橋成而民甚便之。城南三田鑿新渠，以利漕運，士民皆悅。

王於諸侯能用其威終王之世，大小諸侯或有罪，或無嗣，或失心，亡國絕世者甚多。宗室則越後侯光長二十五萬石，其他宮津侯尚長七萬石，鳥羽侯忠勝三萬石，田中侯忠能四萬石，沼田侯信利三萬石，參政稻葉通秀二萬石，鳥山侯資祇三萬石，侍中北見重政二萬石，高遠侯忠常三萬石，石河侯忠之八萬石，北松山侯勝賢五萬石，圓丘侯重益四萬石，出石侯古英五萬石，福山侯勝峯十萬石，義作侯長成

徙

十八萬石，伊丹勝乘萬石，赤穗侯長矩五萬石，此皆國除。其他諸大夫以下，秩不滿萬石者，不可勝數。諸侯有罪，削地徙封。若貶爵秩者，宗室則越前侯光通五十萬石，削其半；姫路侯直矩十五萬石，削其半；收姫路城而徙封日田。其他本多忠尚萬石，削三千石，而除侯籍。白川侯忠弘十五萬石，削五萬石，徙封山形。西御治員萬石，貶其半秩，而除侯籍。宇多侯信武三萬石，削萬石，而徙封柏原。中津侯長胤八萬石，削其半；長島侯忠亮萬石，貶其半秩，收長島城，而除侯籍。盤邨侯氏音二萬石，削其半秩，收盤邨城，而徙封。

頸城懸河侯直明三萬石削萬石收懸河城而徙封
與坂此其大略也於中或既奪而復予之或國雖除
而以特恩立後有記者亦不少云

王好富貴人樂於與人祿爵終王世封侯益地增
加秩祿者不可勝數宗室則峽公綱豐原秩二十五
萬石增十萬石滄公光國原秩二十八萬石增七萬
石封滄公光友庶子義行義昌紀公光貞庶子賴職
賴方為列侯秩皆三萬石封滄公賴房庶子賴元賴
隆為列侯秩皆二萬石封賴雄為列侯秩萬石其他
松平忠清以白川侯忠弘義子封為桑折侯秩二萬

其姓未
詳恐共
字誤

館

石越知清武以竇峽先公綱重之子封為館林侯秩
三萬四千石本莊宗資以外戚封為笠間侯秩五萬
石後徙濱松增二萬石宗資之孫宗長別封為丹生
侯秩二萬石本莊道芳以與太后其姓封為高富侯
秩萬石柳澤保明以嬖倖起中兒少府郎封列侯秩十五
萬石初侯河越後徙峽北見重政黑田直重亦皆起
少府郎封列侯秩皆二萬石通重侯下館牧野成貞
自館林相入侍中封閑宿侯秩七萬三千石成貞告
老養子成春嗣徙東吉田增七千石御史坂本正次
原秩二千五百石為鴻臚封列侯秩萬石每何有罪

奪所增秩陳_疾籍侍中稻葉通秀原秩五千石為參政封列_疾秩二萬石騎_郎將本多正重原秩七千石為詔者兼鴻臚封列_疾秩_{八千石}後為參政為列相累增秩至四萬石_疾沼田侍中內藤正勝原秩六千石為大坂副留守封列_疾秩萬六千石侍中米倉昌尹原秩八千石為參政封列_疾秩萬三千石戶田忠利以峽相從_疾公入西城侍中封為足利_疾秩萬一千石侍中大窪教寬原秩六千石為參政封列_疾秩萬一千石此皆新封為列_疾者也其舊諸_疾以勲勞若因徙封增秩者安中_疾正俊原秩四萬石徙封古河

前後增秩九萬石西龜山_疾忠德原秩三萬八千石徙封盤築又徙出石又徙上田前後增秩二萬石_生輝負原秩三萬二千石徙封高崎前後增秩四萬石田中_疾政直原秩四萬石徙封土浦前後增秩三萬五千石佐倉_疾忠朝原秩十萬三千餘石徙封小田原增萬石忍_疾正武原秩九萬石增萬石盤築_疾忠昌原秩六萬五千石徙封佐倉增萬石東吉田_疾長重原秩四萬五千石徙封盤築前後增秩二萬石谷_郎疾喬朝原秩萬八千石徙封河越前後增秩三萬五千石_生疾明敬原秩二萬石徙封延陵增

三千石水口侯明英原秩二万石徙封壬生增五千石高崎侯重博原秩六万石徙封西松山增五千石鳥山侯直教原秩三万石徙封赤穗又徙飯山又徙盤築增三千石刈谷侯重富原秩二万石徙封鳥山前後增秩万石相良侯忠晴原秩万石增五千石宇和侯宗利原秩十万石先是分三万石而封其弟宗純於南吉田元禄中增宇和侯秩三万石復原秩廐梁侯忠奉原秩十五万石先是分三万石而封其弟忠寬於伊勢崎元禄中增廐梁侯秩三万石復原秩源光長失越後侯後教歲召還復爵位為列侯給食

米三万苞世子綱國先卒元禄十二年王命光長取白川侯直矩次子長知以為嗣因封津山秩十万石長知者光長從父昆弟之子也於是改名宣富源忠常失高遠侯長子忠救徙頸城秩万石元禄八年徙封水口增万石此皆列侯原秩万石已上而更增秩者也如其朝士太夫秩不滿万石者以勲勞恩澤增秩則每虛月不可收舉

枚

寶永元年十二月立峽公綱豐為太子令居西城初泥公光友者王從叔父也王姊適馬生世子綱誠紀世子綱教者王從祖昆弟也王女適馬每

子峽公綢豐者。王兄子也。王年過五十而每子
宜立儲貳然。王欲取紀世子則恐峽公與泥世子
怨之是以猶豫未果。至元祿寶永之際也。泥喪人薨
紀公老世子嗣立尋紀太公及嗣君皆薨。王又驚
於地震之災以為他變亦不可測也。於是乃果徵峽
公立以為太子更名家宣時年四十三太子雖立而
不深喜知其非。王本意也。
王寵河越侯保明日滋甚數增秩至十一萬石賜
國姓為松平氏故事大國之君。王賜之名以其二
名之一比之兄弟也。於是賜河越侯名曰吉保尋又

賜騶從荷偃月刀賜乘轎入平川門至厨門又賜河
越侯長子安暉名曰吉里及峽公入西城乃更封吉
保為峽侯增秩四萬石典故所食共十五萬石實二
十餘萬石云。詔書曰峽國者舊為我兄弟之國是以
臣下不得有之。惟吉保侍中三十年忠貞冠古今不
可以不賞其以峽高麗八代高梨三郡之地封吉保
為峽侯峽侯侍。王燕間教言其長子吉里非己子
王亦不敢詰。因視吉里猶子時人曰。王之寵峽侯
所以寵其子也。峽侯夫人折井氏無子妾所產有五
男二女長子吉里次經隆次時睦次保教次保經

王命峽侯分封經隆時睦立為列侯秩皆萬石保教
出嗣東金澤侯為米倉氏二女其一許土浦侯政直
嫡孫定直定直早卒峽侯女亦夭其一適安中侯政
森峽侯夫人私親有二女峽侯嫁之其一適高崎侯
輝貞其一適下館侯直重峽侯為長子吉里娶鹿梁
侯忠舉女先是王遠鹿梁侯至是乃善視之王
有內嬖三人其一小屋氏寵貴並后其宮在五城號
曰五城夫人其二藤氏稱大佐其三亦藤氏稱新佐
並皇人子也大佐有姪在宮峽侯嫁之小田原侯
忠增世子忠郁治裝費數千金大佐德峽侯教稱之

王前且愛峽侯世子吉里日夜焚於言語欲王悅
之也昔者德王次子忠長侯駿而并峽秩百萬石
峽山國也駿州瀕海有魚塩之利焉故峽非并駿不
可以為國也峽侯既有峽因欲并駿侍王問教言
其意大佐從旁贊之王乃與大佐謀築北城而老
焉取吉里以為子使大佐母之使吉里侯峽駿二州
之地而王与吉保饗其養寶永五年詔有司築北
城命肥後侯助工役於是峽侯頗有不軌之心以為
王千秋之後嗣王可圖也當是之時大小諸侯大抵
每慮事峽侯而讚侯賴常肥後侯網利備前侯網政

安濃侯高久為其尤讚侯先薨其餘三侯後先進爵
峽侯請也 王臨峽侯邸則特命詣行在所峽侯以
為誠行大事則四侯者可與謀也 王后藤氏見
王寵峽侯父子已甚又知其與大佐謀老於北城欲
諫不可是歲冬 王患麻疹六年春 王疾愈乃定
益峽侯以駿地為秩百石益封峽侯親屬婚姻其
非列侯者增秩以為羽翼正月辛巳宗室列侯群士
大夫咸朝賀 王疾愈壬午 王暴殁二月庚戌藤
后殂或曰 王既成謀將遂以癸未下詔藤后知之
故先期一日因進候起居午及戕之藤后亦即自殺
列相近臣合議秘藤后喪以出痘不起聞逾月而祭
喪云 王春秋六十四太子代立是為 文王葬
憲王于東叡山造園寢焉命肥後侯綱利助工役寢
築北城故也

野史氏曰 憲王者可謂英主哉即位未幾削絀宗
室海內震恐諸侯咸服其威終 王之世莫敢不共
命非英主能如是哉然要其行事崇儒學樂施予立
威猛此三者 王之善也信仙法近僧道喜禱祠耽
遊宴翫雜戲比頑童升樂工愛犬馬禁殺生貴婦人
寵外戚好奢侈興土木減諸侯造惡幣鑄大錢行銀

鈔變舊制此教者其不善也遺後嗣害亦多達觀數
十年德川氏之盛極於斯而其衰亦始於斯云尔若
監古者其漢武帝之儔乎

文王外紀

東武野史訊洋子著

文王者 猷王之孫 峽公 網重之子也 初名 網豐 公
猷王三子 其母皆賤 立長為太子 名 家 網是為 莊
王 仲子 網重 季子 網吉 是為 憲王 猷王殂時 太
子 甫十一歲 嗣立 仲子八歲 季子六歲 以尚幼 故未
得封 莊王即位 乃封二弟 侯 網重為 峽公 網吉為
館林公 秩皆十萬石 後增秩 皆十五萬石 與原秩共
二十五萬石 天樹翁主者 德王長女 猷王之
姊也 嫁浪華 豐臣秀賴 秀賴死 豐臣氏滅 而翁主大

歸東都寡居於麴坊之第及莊王時尚無恙峽公
年少教候姑翁主翁主使其侍女事之侍女者田中
氏為保良峽公因幸之遂有身生子男時寬文二年
四月戊辰也翁主愛之峽公夫人藤氏無子故立翁
主侍女為世子名綱豐是為文王延寶六年峽
公年三十五國用不足因朝見親借金於莊王
莊王不懌語丞相廐梁疾忠清忠清以為不敬乃遣
人以上旨風峽公使自裁峽公薨綱豐襲封峽公
及莊王殂憲王立憫兄故峽公以早薨故不得
為莊王之嗣於是益封綱豐增秩十萬石吳故所

食共三十五萬石憲王太子緝熙早夭後不復有
子年過五十宜立繼嗣峽公綱豐者兄子也親莫近
焉紀世子綱教者憲王從祖昆弟而其女壻也
憲王以女壻之愛也欲取紀世子為嗣而惡捨兄子
惘疑未敢殺命僧隆光知之乃陰以法祝詛峽公不
效又行巫蠱於其邸不中云及紀翁主薨紀世子尋
亦薨憲王乃決策取峽公為嗣寶永元年峽公年
四十三冬十一月憲王使中丞相河越侯吉保迎
峽公綱豐於其邸立為太子名一家宣居西城太子
前在峽邸娶皇朝大臣近衛家熙女為夫人於是

從太子入西城

河越侯吉保從封峽列相谷邨侯喬朝從封河越太子之母田中氏生太子後數月又有身峽士有越知清隆者未室田中氏有身之六月故峽公嫁之越智清隆月滿生男後太子一歲名曰清武冒姓越智實峽公子也及太子入西城憲王以清武實太子同母弟首封為列侯秩萬四千石後累增秩至三萬四千石封館林

太子在峽邨時嬖猿樂人子間部詮房擢為郎中欲遂顯用之及入西城因以為請憲王乃命行郎中

令事封為列侯秩萬石

戶田忠利前為峽相循謹奉上及太子入西城憲王時賞其勞命增秩與故所食共萬一千石封為足利侯太子即位進爵為中大夫

故峽公之葬在淺草里幸龍寺及太子入西城憲王命改葬於增上寺追尊號清楊王因立廟於其側置祭田一如先王廟

初太子之母生越知清武而卒葬於谷中里勇昌寺及太子入西城憲王命改葬於東叡山因立廟開園於其側號長昌院

初故峽公有過峽士根津某進諫帝聽幽憤發病而死峽公後悔而憫根津死或時見怪異衆以為厲峽公乃与傳相諸大夫議為立祠於谷中別莊命有司歲時祭之及太子入西城欲新其祠請憲王報可遂命執政有司新根津祠於舊地弘敬在麗取法於山王廟因置田園巫祝供奉恒祀

寶永六年正月壬午憲王殂翌日癸未太子出令止大錢峽侯吉保免中丞相己丑除燒馬頸毛禁三月太子即位尊妃藤氏曰后

高崎侯輝貞上田侯忠周皆免侍中間部詮房為侍

中

國朝舊制秩万石以上為列侯則賜爵朝散大夫

憲王時朝士為官拜朝散大夫者多於前朝憲王

以為朝散大夫太多故元祿以後凡小侯不有城唯

為中外官者得拜朝散大夫不則終身不得拜朝散

大夫文王即位命小侯未賜爵者咸拜朝散大夫

遂復舊制

時力

王后父前左大臣藤家熙來王召之也特作館於

神門外而置之三歲遺歸

村上侯忠孝薨年總數歲法不得立後國除命其支

特恐
特字

遺

屬宗粟族忠英長子忠良以舊秩三之一五万石奉其先祀新封川谷忠良年二十歲為侍中位次間部詮房居二歲徙封古河

元祿以來諸侯奢侈國用不足造鈔代銀其士民皆不便王立出令禁之

王在藩嘗聞元祿室永間所造惡幣海內百姓不便自入西域益有志復故及美大統首止大錢即位之後乃下執政有司議改幣有司奏言元金所雜銀錫居半今造純金新幣使大小板重如故則海內金幣減其半使其數如故則所補良金將專取之不如權

半其重毋減本數以故價行之民明知純金莫敢不行且絕偽造之姦然後待得各處山所出金而漸補其不足以復慶長之舊室銀去其雜色而純之則新幣之一可以直室永之二三四民明知純銀亦莫敢不行王從之遂令改幣其金幣小板及方金形如故而薄小款文曰乾故世謂之乾金止小方金其大板金未及改之其銀幣去雜色而純之一如慶長之舊故每款文寶永七年之冬始行新幣與元祿惡幣並行之乾金與元金同直銀則新幣之一直室永之二三四民間新幣之令下知乾金不久將復慶長之

舊復則乾金之二直慶長之一由是稍賤新幣以
為不便乃物價漸貴

高崎侯輝貞徙封村上間部詮房累增秩至五万石
封高崎

王在藩時新井君美以文學掌書記及兼大統遂命
以文學給事中拜朝散太夫徵澁侯文學三宅緝明
惣侯文學室直清君美薦之也

薦

造都門於京橋南二里國初以來未立都門於是
始造之

中城大殿故有掖門兩柱每衡字其制甚質王即

位改舊制新作四脚門彫飾莊麗諸門無比

正德元年冬朝鮮王使趙大億來聘國書稱日本王
我始請也王好礼不愛財且欲誇客以國華故自

郊迎至饗食贈賄凡待客之禮有加於前朝前朝饗
韓客例作猿樂王以為俗樂不足以樂大客故命

伶人作雅樂万舞客驚歎而深謝大禮初朝鮮王書
犯我猷王諱及祭書我有司過之新井君美教之

也客謝不敏且曰待歸改之既而復書成以授使者
亦犯朝鮮先王諱客亦過改而授之

北條侯某不愛其民用苛吏聚斂百姓怨之父老教

決

十人來東都候列相忍侯正喬出遠道而訴焉事聞
因命忍侯與諸斷獄官雜治獄決北條侯坐不能治
其國奪侯及秩萬石更賜長子某廩米三千苞國除
為郡

王雖不好學而頗崇儒術以故寵新井君美暇則使
君美說經王必著禮服下座而敬聽之

王自習美姿貌好礼惡本朝久廢冠服上下每容儀
嘗欲興冠服復古俗因与君美謀之及藤大臣客於
東都教延見之而問古礼焉將以斟酌用之作朝儀
君美因稍草之云

王不好田獵遊觀非謁先寢莫出城門唯在藩時鏡
洲有莊及即位修之為離宮歲一過焉耳

王好色多女寵後宮美人以百數其得幸而生子者
三人一曰太田氏二曰藤氏三曰勝田氏他不足筭

藤后每子王在西城太田氏生男以嫡子禮奉之
數旬太田氏者士之女也稱弟一房尋又藤美人

生男亦不育藤美人者其父兄在皇朝為列卿云
稱弟二房最後勝田氏生男勝田氏者其父浮屠元

哲奉親鸞教者也偽朝士勝田某之女入仕後宮得
幸而生子男稱弟三房及王殂美大統者是子也

藤后性和順不妬忌。王所幸諸養人皆善遇之。王好內政事之暇，晝集宮女於內園而作妓樂，聞草拾翠，濯丹水戲，夜宴於內寢間部。詮房皆與焉，及醫者教輩侍焉。

詮房壯不娶妻，亦不畜妾，日夜在王宮，時一賜洗沐而歸，私弟視其家事，因一宿，不過歲數次而已。王命後宮使女之可者進枕席於詮房次所。詮房有弟四人，曰詮貞、曰詮之、曰詮衡、曰詮言、曰詮貞。早死，詮之、詮衡皆為郎中朝散大夫，詮房每子以季弟詮言為嗣。忍侯正喬請以其叔父殿中騎郎將正

房之子妻之。詮房因言忍侯以為列相。列相土浦侯政直、河越侯喬朝、參政水口侯忠救皆增秩萬石，升上正長前為峽相，原秩三千石，從王入西城為侍中。及王即位，累增秩至萬石，侍中水野忠明為大坂副留守，原秩七千石，增秩五千石，与原秩共萬二千石。僧義高以妖術祈禳于第，二房藤養人及藤養人生子，因為王稱其德，王乃召見而許建寺於都下，且賜地於湯島里，乃建寺號金剛幢寺，造多寶塔，尋賜田。

正德二年十月 王有疾弗豫乃立弟三房勝田養人所生子為太子甫四歲名曰家繼甲子 王殂宗室諸侯咸走入朝列相乃屬宗室諸侯及群卿大夫士而告以 王臨終有言於是高崎侯詮房古河侯忠良傳願命新井君美讀之大意在以輔孤子守國家望於諸侯群臣文見史策 王又患金幣未復慶長之舊也臨終遺命列相及侍中詮房忠良於是列相及二侍中因宣口勅遂布令海內十一月葬於增上寺

野史氏曰 文王久在藩邸見上政之不善慨焉既

入為儲貳益有志於善治云及襲大位堯號出令施德於海內為民脫桎梏士庶相慶共稱萬歲至若崇儒學修禮儀弛禁網稀遊行罷大錢復金幣止銀鈔皆足以厲士紓民此其善者也其不善者喜華靡寵姬妾責樂人好雜戲猶蹈前朝之轍而已雖然如天假 王數年則朝廷禮儀章服必有可觀者焉庶幾復古何難之有哉惜也年在中身不遠閨房斲喪精元奄損天年有似漢成帝實亦蒼生之不幸也

章王外紀

東武野史訊洋子著

章王者 文王第三子母勝田氏 文王后藤氏無
 子美人太田氏藤氏勝田氏先後生子太田氏藤氏
 所生皆不育唯獨勝田氏所生益恙正德二年十月
 文王歿時甫四歲 文王臨終立為太子名家繼侍
 中高崎侯詮房受遺囑輔之當此之時彦根侯直該
 為丞相土浦侯政直河越侯喬朝小田原侯忠增笠
 間侯正岑忍侯正喬五人為列相閑宿侯重之岡崎
 侯忠之壬生侯忠教松永侯教重四人為參政皆奉

願命行官政是以百寮諸司各守其職法令無故媾
若畫一

十二月章王即位尊嫡母藤后為太后作宮於西
城而居焉號曰天英院陞親母勝田美人為夫人宮
號月光院

正德三年三月山城天皇遣使錫王命故事
王即位天皇錫命則大國諸侯更享列相以下群
卿大夫作猿樂大約三歲訖於是諸侯請享列相丞
相列相議不聽詢諸侯曰文王立四年諸侯享列
相裁訖未幾不可復行大禮姑舍以待今王重有

慶事可矣諸侯喜如受賜因祝萬歲

泥紀二公故常更之國於是請留東都護王室也

高崎侯詮房自文王時日夜在王宮非賜洗沐莫

敢歸私第文王殂後詮房在公弥堅章王幼

在月光夫人所則每晝夜詮房獨從之因通夫人初

尚私之後寢寤見每復忌憚至若詮房脫公服戴煖

帽與夫人共擁爐私語王見之謂傳母曰高崎侯

如王矣於是宮闈禁弛男女每別近臣侍醫直宿之

所且朝小臣洒掃或見有遺簪珥詮房雖知之而不

敢禁之以分謗也王宮內外之亂前世所未有也

月光夫人傳母江島年三十餘美而淫外人與姦者莫知其數屢將宮女淫者遊勾欄因過酒家集戲子而飲宴焉或以厨櫃貯戲子使人扛以入宮匿於房中教日出入縱淫法吏莫敢詰之

正德四年二月月光夫人使江島謁文王陵寢於增上寺還而遊鋸工坊戲場遂過酒家宴飲移時及歸內城門已閉告夫人賜引信然後得入明日執法以聞于時列相河越侯喬朝直月乃下府尹及監察官治皆言江島淫行非一日之故自朝士以下諸吏及工匠賈監或私姦或贊成其事者凡數十人有洩

深輕重每不連累宜以大小斷其罪自二月至五月獄決囚江島於高遠侯國朝士以下或死或流或奪俸禁錮終身或存逐沒入家產放宮女數十人斬賈豎一人流江島所與遊戲子三人都下為之匈：謗讟日興

王稟性虛弱不耐寒暑月光夫人與詮房奉王遊內園夫人與詮房飲絃歌妓舞移時王有所感冒輒噓惡寒遽奉歸宮裏頭襲衣侍醫進藥夫人命侍女設爐熾炭於室中四隅頃之王流汗煩悶曰謔二出：夫人與詮房復奉以往內園則重感傷遂至

病困如是者數矣侍醫山田宗圓駁諫夫人極言其非慈幼之道用是忤夫人因自幼而退王之所以早夭雖曰天命亦可謂夫人与詮房謀速之云國朝歷世必置列相其丞相則或置或不置憲王時拜彥根侯直該為丞相每何病免尋老文王立復強起之拜丞相章王立直該称病不朝動逾時居二歲餘賜告從婦人以往熱海浴溫泉三旬返東都遂乞骸骨歸彥根君子曰彥根侯可謂不忠矣身無伊周之才而以其祖功伐再為丞相當少主時縱不能康濟艱難尚可以竭力於國事不幸有疾邪縱

不能出而視事宜卧於邸第而遂死於東都泥紀二公尚不之國彥根侯何去東都為况歸國乎

正德六年四月己未王殂年八歲每嗣天英院

藤太后命列相及侍中高崎侯詮房冊立紀公吉宗為嗣五月葬王於增上寺

野史氏曰章王立而幼弱侍中詮房相之裁能臨朝然不能聽政列相皆前朝舊臣相與一心協力率由舊章每所變更以朝野翕然用命莫有叛心古之所謂與民休息者其若斯夫每祿王早夭哀哉文王之仁而每後豈不哀哉

明和己丑十月騰寫并校

和時與又... 由... 騰... 律... 意... 蘇... 王... 公... 不...

156
5
1

三

